

anno cum obseruarem: & frigus hyemis magnum fuit  
 & longum. Minimè verò ab extincto Cometa calor est:  
 & sine calore non sunt venti, quia ventorum fumus (vt  
 Aristoteles docet) materia. Nisi velint, quod sanè alienū  
 est, ab ipso Cometa vel extincto vel ardente, quamuis o-  
 mnibus fumis confumptis, stellas, cælum, solem, vim  
 nancisci nouam ad exhalationes gignendas ac ventos.  
 Nolo ad hæc respondere. Quare ad reliqua. Nam cinis  
 Cometariorum quorūdam, nullus est. Fumus enim quā-  
 uis crassissimus, non est instar ligni densus & cōpactus.  
 Minus autem instar lapidis aut metalli, ex quibus gene-  
 ribus post ardorem est cinis. Si verò accederet ita magna  
 densitas ad fumum, grauitas quoque adesset, & ante æ-  
 stum ac ventorum turbas rueret ad nos, vt globi cōpacti  
 & inflāmati descendunt. Et si videmus, neq; ex cera, neq;  
 ex pice, neq; ex resina cinerē superesse: quis credat ex fu-  
 mo, post ardorē cineres reliqui? Sed esto. Sit cinis, vel est  
 verus vel fictus cinis. Si verus, atq; descendit, cur non il-  
 lum videmus? Cinis enim fumi crassior esse debet quā  
 sit fumus, & fumum ipsum videmus. Et si tenuior, sit  
 neque oculis nostris obuius, sequetur necessariò esse  
 hunc eundem fumo leuiorem. Nam data corporis maio-  
 ri tenuitate ac raritate, statim leuitas accedit maior. Leue  
 autem fumeum nunquam descendet: quare sursum fere-  
 tur iterum, vel non descendet ad ventos edēdos. Dicant  
 adhæc, si Cometa ex fumis constat: & extincto Cometa  
 vno, remanēt adhuc ibi fumi, vel halituum crematorum  
 vis: cur vno Cometa extincto & parte illa adhuc æstus  
 plena, non comparet nouus Cometa? Certum hoc est in  
 rebus naturalibus, causæ si adsunt & valentes, effectus e-  
 tiam ipsos adesse. Cometa fit à fumorum vi, aiunt: Fumi  
 à siccitate, & contrā, ardens autē Cometa siccatur, incēdit,  
 fumos edit, et vētos. Cur ex his omnibus causis Cometa  
 nō est, post ardorē prioris Cometæ? Certè velimus noli-  
 mus, fatendū nobis est (nisi pertinacissimè cōtra verū ste-  
 mus) neq; Cometam ex fumis esse, neq; flagrare, neq; ab  
 illo

*Occupatio**Cometarū  
cinis**Fomites et  
ignis nutri-  
menta sine  
cinere  
Concessio*